

Pirchè mi fa spinnari.

Passi e spassi di cuntinuu,
t'annachi, lu fa apposta,
camini dritta, nun ti voti
ti taliu, li pinzeri mi scoti.

Pirchè mi fa spinnari,
dùnami tecchia d'amuri,
carma 'sta smania c'hau 'ntesta,
abbrazzamuni, chi nnì resta.

Cumminciti, fallu pi favuri,
lu cori mi sta scuppiannu,
ammumentu fa lu bottu,
nun lu vidi ca sugnu cottu.

Mi talii, mi fa capiri
ca piacissi puru a tia,
allura, deciditi a fari 'stu passu,
prima ca mi veni quarchi cullassu.

Ti vulissi dari du muzzicunu
unni dicu iu, pi fariti capiri
quantu ardìri haiu pi tia,
'stu focu, è cchiù di simpatia.

Ti facissi vidiri
li stiddi di mezzìò,
lu suli di notti, la luna di iornu,
accussì mi livassi 'stu fastornu.

Dimmi di sì, accetta 'st'amuri
sicuru ca nun ti nni penti,
nun mi fari spinnari cchiù,
dimmi ca lu vò puru tu.

“Cu di spiranza campa, dispiratu mori”.
Nun ci cridu, pirchè tu sì 'ni lu mè cori.

2011 Giuseppe Cardella